

幸魯盛典

五冊

幸魯盛典卷十五

康熙二十八年己巳秋八月

詔修闕里孔子廟

衍聖公臣孔毓圻

奏爲

聖主重道極隆額請

勅修闕里

聖廟以光

盛朝大典事

臣痛惟我

皇上以不世出之聖當大有爲之時文治炳隆聲教翔

三
治亘古燦今參天兩地蓋

先聖集堯舜禹湯文武周公之道而

皇上更統備堯舜禹湯文武周孔之全惟

聖知聖惟道重道務極效法敦崇以勵世善俗是以

恩數超軼百代

典章炳煥千秋大矣至矣茲以加矣而

臣

更有請者

臣按闕里

聖廟歷代以來凡遇隙敝例由襲封之臣報明上請

或撤舊更新或因仍修葺所以歷年逾久廟貌常

新今按廟自明季弘治十七年被災重建歷今三

百年歲月久遠日漸毀敝殿寢多有漏損廊廡皆
已傾頽齋舍全荒舊亭廢墜邇年以來尤極敝壞
不堪及時修理似不容緩臣伏思天下州縣文廟
仰賴

皇上盡皆修整完備况茲闕里興聖之區關係尤重幸
遇

皇上聖明在上千載一時正廟貌重新之日宮牆完美
之期也臣特敢備悉情形亟行陳請伏乞

皇上睿鑒施行康熙二十八年六月二十日題本月二

十九日奉

旨該部議奏

禮部

題前事該

臣

等議得衍聖公孔毓圻疏稱闕里

聖廟歷代以來凡遇隙敝例由襲封之臣報明上請廟自明季弘治十七年被災重建歷今三百年歲月久遠日漸毀敝殿寢多有漏損廊廡皆已傾頽齋舍全荒舊亭廢墜邇年以來尤極敝壞不堪及時修理似不容緩等因前來竊惟

皇上尊師重道

駕幸闕里釋奠

先師加恩聖裔尊崇之典無所不極今衍聖公孔毓
圻旣稱闕里

聖廟歲月久遠漏損傾頽等語理應工部差官勘明
確估將修理之處議覆但今值

大行皇后喪禮工部事務繁多應暫行停止可也康熙
二十八年七月二十三日題八月初五日奉

旨闕里聖廟崇奉

先師萬代瞻仰今旣日漸毀敝理宜修葺着差工部
內務府官員前往確估到日再議具奏

九月

遣內務府郎中阜保工部郎中壽鼐赴闕里

聖廟估計十二月阜保等賚

聖廟估計冊回京復

命康熙二十九年庚午工部議以今年不宜蓋正請將
闕里

聖廟修理暫行停止

上命再議

工部等衙門爲請

旨事闕里

聖廟估計修理之處內務府郎中阜保筆帖式王世

遵工部郎中壽鼐筆帖式班塔等俱騎驛馬前往
等因康熙二十八年九月二十三日題本日奉

旨依議

工部爲請

旨事衍聖公孔毓圻疏稱闕里

聖廟敝壞等因禮部議覆修理之處暫行停止奉

旨闕里聖廟崇奉

先師萬代瞻仰今旣日漸毀敝理宜修葺着差工部
內務府官員前往確估到日再議具奏欽此欽遵隨

差內務府郎中阜保

臣

部郎中壽鼐估計去後于

三
卷一
康熙二十八年十二月十三日郎中阜保壽鼎同
來料估之處轉奏奉

旨將料估之處交與該部等因到部查得郎中阜保等
估內共需用大小松檟木九千八百餘件架木一
萬三千三百餘根城磚方磚沙滾子磚斧刃磚共
十五萬四千二百餘件布筒板瓦七萬六千六百
餘件白灰三百九十萬四千二百餘觔各項匠役
九萬三千二百餘工壯夫四萬六千四百餘工其
大成殿大成門琉璃瓦脊料全換并換圍房脊料
鑲邊瓦共琉璃瓦二十萬三千二百餘件等因該

臣等查得郎中卓保等估計內需用琉璃瓦料松
檟木植架木之數甚多一時難以挽運且今年不
宜蓋正將修理闕里

聖廟暫且停止俟修理之日將修理之處再行詳確
估計議覆可也康熙二十九年二月初二日奉

旨明年修造之處再議具奏

工部

題爲請

旨事先經臣部具奏修理闕里

聖廟據郎中卓保等估冊內需用琉璃瓦料松檟木

植架木之數甚多一時難以挽運且今年不宜蓋
正將修理闕里

聖廟暫且停止俟修理之日將修理之處再行詳確
估計議覆等因繕寫摺子具奏奉

旨將明年修理之處再議具奏欽此欽遵隨行欽天監
選擇明年修理吉期去後據欽天監文內開康熙
三十年四月十二日丁卯宜用未時修理闕里

聖廟吉先從東南巽方動土起吉等語該_臣等再議

得先經_臣部以今年不宜蓋正將闕里

聖廟修理之處暫行停止等因具奏奉

旨將明年修理之處再議具奏欽此查得郎中覃保等
估計帶來川開闢里

聖廟大成殿等殿五十四間大成門等門六十一間
圍房八十八間內挑換朽爛檁柱望板椽子等木
拆卸瓦片重甃照原舊油飾彩畫修理等語其修
理所需顏料銅鐵等項于戶部支取不算價值外
共用松檟木植九千八百六十八根價銀二萬四
千三百二十四兩八錢杉木槪木榆木一百三十
根價銀一百八十一兩五錢琉璃瓦料二十萬三
千二百九十七件價銀三萬一千八百四十五兩

磚瓦二十三萬九百二十八個價銀三千四百八十九兩六錢九分六釐白灰三百九千九百四十兩價銀四千九百十九兩零四分繩劬蓆片家伙等項價銀一千七百二十兩打造銅鐵等項匠役工價併煤炭價銀二千七百六十七兩四錢各項匠夫工價銀一萬六千七百七十兩零六錢四分五釐以上共需用物料價值銀匠夫工價銀八萬六千零十八兩零八分相應差總管內務府官一員臣部司官一員照欽天監所擇于康熙三十年四月十二日開工所用磚灰瓦繩蓆家伙等物煤炭

價值併各項匠夫工價銀兩行文山東巡撫動用
司庫錢糧交與管工官預行燒造磚瓦灰觔備辦
物料其匠夫開工之時僱覓修理查先造闕里

聖廟碑亭所用琉璃瓦料于回空糧船裝載運至濟
寧州今修理需用琉璃瓦料松木檟木杉木等木
顏料等項預備得日交與倉場侍郎于回空糧船
裝載運至濟寧州此等物料差出官員前往驗收
會同濟寧道自泗河僱覓運至闕里工所又查得
江南江西湖廣浙江歷年解京架木各一千六百
根此四省所解架木六千四百根行令各該巡撫

三
卷十五
將康熙二十九年分應解架木照數于本年內送
至闕里工所此修理之處令管工官員敬謹堅固
修理工完之日將實用過錢糧細數造冊到部確
查銷算具題可也康熙二十九年二月十八日奉
旨修理闕里

聖廟所用物料工價不必動支部內錢糧照數發內
帑銀兩採辦修理其物料着令回空糧船載運餘依
議

夏六月

遣內務府廣儲司郎中阜保工部虞衡司郎中阿爾輝

內務府筆帖式王世遵工部筆帖式查爾奇昂吉
圖監督修理

聖廟八月阜保等至曲阜九月回空糧船運琉璃瓦
料松木檟木杉木顏料物料至濟寧州江南江西
湖廣浙江所解架木六千四百根亦至郎中阜保
等驗收同濟寧道韓作棟等由泗河運至兗州府
由兗州府起車運至闕里康熙三十年辛未夏四
月十二日丁卯郎中阜保阿爾輝督同濟南府同
知金世揚兗州府通判許嗣華曲阜縣知縣孔尚
愉等起工修理